



Republika e Kosovës
Republika Kosova – Republic of Kosovo

Komuna e Prishtinës
Opština Priština – Municipality of Prishtina



DREJTORIA E BUJQËSISË

THIRRJE PËR APLIKIM

PÛRKRAHJA E FERMERVE NË PERIMTARI - SERRË E SPECIALIZUARA PËR KULTIVIMIN E FIDANËVE - 2019

I. Qëllimi

Dhënia e mbështetjes financiare për investime në perimekulturë, për prodhimin e materialit fidanor në ambient të mbyllur - serrë.

II. Përfituesi i pranueshëm

Përfituesi i pranueshëm duhet të jetë person fizik apo juridik, i cili ka përvojë dhe njohuri për prodhimin e materialit fidanor në serrë.

III. Lloji i investimeve të pranueshme për sektorin e perimekulturës

Ndërtimi i serrës së specializuar për kultivimin e fidanëve.

- Tipi i serrës që mbështetet (përkrahet) është:
 - Serrë e tipit "Bllok" nga polietileni, sipërfaqja prej 500 m².

IV. Kriteret e përgjithshme të pranueshme:

- Personi fizik apo juridik, duhet të ketë përvojë jo më pak se 5 vjet njohuri në prodhimin e materialit në perimekulturë;
- Përparësi do të ketë subjekti që ka të punësuar numër më të madh të punëtorëve, e që duhet të dëshmohet me listën e punëtorëve të punësuar në kompani;
- Duhet të ketë staf profesional për menaxhimin e serrës për prodhimin e materialit fidanor – agronom i diplomuar në fushën përkatëse;
- Subjekti duhet të dorëzojë kërkesën e plotësuar në formularin për aplikim, së bashku me dokumentet e bashkëngjitura;
- Subjekti duhet të ketë të hapur llogari të vlefshme bankare;
- Toka në përdorim duhet të jetë në pronësi të subjektit, ose e marrë me qira për periudhën 10-vjeçare;
- Kontrata e qiramarrjes duhet të jetë e noterizuar;
- Personi fizik apo juridik, duhet të jetë banor i përhershëm në lokalitetin ku ngrihet serra;

- Subjekti obligohet që para fillimit të investimeve, t'i dorëzojë 3 oferta rreth kostos për finalizimin e projektit (serrës);
- Pas sjelljes së ofertave, subjekti do të njoftohet rreth vlerës financiare që do të përkrahet nga ana e Komunës.

V. Kriteret specifike të serrës “Bllok” 500m²:

- Ndërtimi i serrës me hapje në kulm;
- Sistemi automatik i hijezimit (thermal shade creen);
- Sistemi i ujitjes (BOOM);
- Rrjeti antitrips;
- Tavolinat e punës;
- Drenazhimi;
- Makina për mbjelljen e farërave të fidanëve (me standarde CE);
- Makina për mbjelljen e farërave në module (me standarde CE);
- Hapja e bazamentit Ø400*600, mbushje me beton dhe vendosja e gypit të zinkuar Ø60*2mm*60mm;
- Shtyllat duhet të jenë me material të zinkuar Ø60*2mm*2600mm;
- Harkoret me gypa të zinkuar Ø48*2mm*900mm;
- Pjesa e poshtme e kapriatit duhet të jetë me gypa të zinkuar Ø42*1.5mm*800mm;
- Mbushja e kapriatave me gypa të zinkuar Ø32*1.5mm*800mm;
- Përforcimi i serrës, përgjatë tërë serrës, me gypa të zinkuar Ø32*1.5mm*600mm, të gjitha kulmet duhet të kenë nga 3 gypa të vendosur, të shtanguar me unaza special, pa shpime dhe saldime;
- Ullukët e serrës duhet të jenë me material të zinkuar 13cm*12cm*13cm*1.6mm, me dhëmbë speciale për vendosjen e klipave të plastikës përgjatë tërë serrës, klipat duhet të jenë Ø16;
- Përforcimi i serrës anësore dhe shtangimi i folijes duhet të bëhet me gypa të zinkuar Ø26*2mm*600mm. Për metër gjatësi të gypit, duhet të vendosen 4-5 klipa $\frac{3}{4}$;
- Hapja e serrës duhet të bëhet me gypa të zinkuar Ø26*1.5mm*600mm, ku duhet të ketë të vendosur 4 copë klipa plastikë $\frac{3}{4}$ në një metër gjatësi;
- Gypat për përforcimin e dritareve, me gypa Ø21*1.5mm*600mm;
- Serra duhet të jetë e rrethuar me polikarbon përgjatë gjithë serrës, me distancë 1 metër nga sipërfaqja e tokës, polikarboni 4-6mm. Polikarboni duhet të vendoset në dritare, ku bëhet edhe hapja;
- Duhet të vendosen dy dyer me polikarbon, me dimenssione 2.2m*2.4m. Konstruksioni i derës duhet të jetë me material të zinkuar dhe dera të jetë rrëshqitëse;
- Përforcimi i serrës duhet të bëhet me gypa Ø32*1.5mm*30mm, vendosja e gypave duhet të bëhet me unaza speciale pa shpuarje. Një serrë duhet të ketë 9 përforcime X;
- Përforcimi i kulmeve, në fillim dhe në fund, duhet të bëhet me nga dy gypa Ø32*1.5mm*3m, i shtanguar me unaza speciale për të

përforcuar balloren, vendoset nga pjesa e poshtme e kapriatit dhe pjesa tjetër në harkore;

- Foliya duhet të jetë UV, antirefleks, antipik, me një trashësi 160mm, me garanci 36 muaj;
- Lidhja e gypave duhet të bëhet me vazhduese speciale, pa saldim;
- Unazat për shtangimin e të gjithë gypave me harkoret duhet të bëhet me kundërlidhëse, me nga 4 bulona për secilën lidhje;
- Unazat për lidhjen e kapriatave me harkore duhet të jenë me 4cm/1.2mm;
- Lidhja e kapriateve duhet të bëhet me Y-ypsilona, me dy anësore, me një trashësi 1.6mm. Shtangimi duhet të bëhet me bulona;
- Puna duhet të kryhet nga një kompani, e cila ofron garanci për ndërtimin e serrës dhe që mban përgjegjësi për të gjitha punët e kryera. Mospranimi i serrës nga ana e komisionit për pranim për shkak të defekteve të ndryshme, ose mospërputhja e materialit gjatë ndërtimit të serrës, ndërtuesi duhet të kompensojë fermerin me kthimin e mjeteve.

VREJTJE: Në rast të mospërputhjes së materialit dhe ndërtimit të serrës sipas specifikave, fermeri nuk do të kompensohet për investimin e realizuar.

Gjatë punës, kompania duhet të pranojë komisionin e Komunës gjatë realizimit të punëve, dhe komisioni do të verifikojë materialin gjatë investimit. Komisioni do t'i vizitojë fermerët gjatë investimit, sipas përzgjedhjes, pa e njoftuar fermerin.

VI. Koha dhe mënyra e pranimit të aplikacioneve

1. Data e fillimit të dorëzimit të formularit për aplikim, është dita pasi të jetë publikuar thirrja për aplikim;
2. Thirrja për aplikim do të jete e hapur 15 ditë nga data e publikimit;
3. Investimi duhet të kryhet në afat prej 60 ditëve nga data e miratimit të projektit, dhe të gjitha pagesat duhet të bëhen përmes transferit bankar.

VII. Përzgjedhja dhe pagesat

I. Mënyra e përzgjedhjes:

1. Aplikimet kontrollohen, përzgjidhen dhe vlerësohen brenda afatit prej 15 ditëve, nga dita e fundit e dorëzimit të aplikacionit në kuadër të thirrjes aktuale për aplikim;
2. Pasi që aplikacioni të jetë kontrolluar, sa i përket tërësisë dhe përshtatshmërisë, verifikohet aplikacioni në terren;

3. Përfituesi do të pranojë një letërnjoftuese për miratimin apo refuzimin e projektit (së bashku me arsyetimin);
4. Përfituesi duhet menjëherë të informoj për fillimin e investimit;
5. Komuna e Prishtinës do të lidhë marrëveshje me përfituesin e serrës, i cili obligohet që të mos e bëj tjetërsimin e serrës (shitje, dhënie në shfrytëzim etj.) në afat kohore prej 5 vjetëve.

II. Mënyra e pagesave:

Komuna participon me 80% në realizimin e projekteve dhe pjesa tjetër prej 20%, do të participojë fermeri për ngritjen e serrës, me sipërfaqe 500m², në vlerën e përgjithshme.

Pagesat do bëhen pas vlerësimit të zyrtarëve të autorizuar për kryerjen e të gjitha aktiviteteve dhe investimeve të planifikuara;

Rimbursimi i mjeteve do të bëhet pasi të jetë vlerësuar nga autoriteti përkatës për realizimin e investimeve të planifikuara.

VII. Dokumentet e bashkëngjitura:

- Projektpropozimi me përshkrim të hollësishëm;
- Përshkrimi i gjendjes në serrë;
- Qëllimi i investimeve ;
- Kostoja e investimeve;
- Fotokopja e letërnjoftimit;
- Konfirmimi për llogarinë bankare;
- Certifikata mbi pronësinë e tokës së punueshme, jo më e vjetër se një vit;
- Kopja e planit të parcelës,
- Vërtetimi mbi vendbanimin;
- Certifikata e biznesit;
- Vërtetimi i tatimit në pronë;
- Vërtetimi nga ATK, për subjektin juridik.

Data e aplikimit: 31.10.2019 – 14.11.2019